

**SESIÓN ORDINARIA DA XUNTA DE GOBERNO LOCAL CELEBRADA O DÍA 12 DE**  
**XANEIRO DE 2017.-**  
**ÍNDICE DE PUNTOS**

<b>PUNTO PRIMEIRO.- ACTAS ANTERIORES.-.....</b>	<b>3</b>
<b>PUNTO SEGUNDO.- CLASIFICACIÓN DE OFERTAS E REQUIRIMENTO DE PRESENTACIÓN DE DOCUMENTACIÓN PARA ADXUDICACIÓN DO PROCEDEMENTO ABERTO CUN ÚNICO CRITERIO DE VALORACIÓN (FACTOR PREZO) DA OBRA ACCESIBILIDADE UNIVERSAL EN EDIFICIOS PÚBLICOS, 1ª FASE. PAS 2015.-.....</b>	<b>3</b>
<b>PUNTO TERCEIRO.- DECLARACIÓN DE DESERTO DA LICITACIÓN DO LOTE NÚMERO 1 DO PROCEDEMENTO NEGOCIADO SEN PUBLICIDADE POR LOTES DO SERVIZO DE ESCOLAS CULTURAIS DO CONCELLO DE AMES.-.....</b>	<b>6</b>
<b>PUNTO CUARTO.- REPARTO DAS AXUDAS PARA A PROMOCIÓN DE ACTIVIDADES LEVADAS A CABO POR CLUBS E ASOCIACIÓNS DEPORTIVAS DO CONCELLO DE AMES NO EXERCICIO 2016.-.....</b>	<b>7</b>



## **SESIÓN ORDINARIA DA XUNTA DE GOBERNO LOCAL DO DÍA 12 DE XANEIRO DE 2017.-**

Na Casa Consistorial de Ames, sendo as nove horas e quince minutos (9:15 h) do día doce (12) de xaneiro de dous mil dezasete (2017), reúnese a Xunta de Goberno Local deste Concello en sesión ordinaria de primeira convocatoria, baixo a Presidencia da primeira tenente de alcalde Genma Otero Uhía, e coa asistencia dos/as tenentes de alcalde David Santomil Mosquera, José Blas García Piñeiro, Silvia Dapena Liñares, M<sup>a</sup> Isabel Vaquero Quintela e Luisa Feijóo Montero.

Non asiste, pero xustifica a súa ausencia o alcalde, José M. Miñones Conde.

Asiste a **interventora**, Margarita Fernández Sobrino.

Actúa de **secretaria** a secretaria accidental, Concepción Vilas Cantelar.

### **PUNTO PRIMEIRO.- ACTAS ANTERIORES.-**

A primeira tenente de alcalde pregunta aos asistentes se teñen algunha alegación que formular á acta da sesión anterior, correspondente á **sesión ordinaria do 5 de xaneiro de 2017**, e que foi distribuída con anterioridade, en cumprimento do establecido no artigo 91.1 do Regulamento de Organización, Funcionamento e Réxime Xurídico das entidades locais, aprobado polo Real Decreto Lexislativo 2568/1986 de 28 de novembro. (ROF).

Non formulándose alegacións polos asistentes, a Presidencia declara aprobada a acta por unanimidade.

### **PUNTO SEGUNDO.- CLASIFICACIÓN DE OFERTAS E REQUIRIMENTO DE PRESENTACIÓN DE DOCUMENTACIÓN PARA ADXUDICACIÓN DO PROCEDIMENTO ABERTO CUN ÚNICO CRITERIO DE VALORACIÓN (FACTOR PREZO) DA OBRA ACCESIBILIDADE UNIVERSAL EN EDIFICIOS PÚBLICOS, 1ª FASE. PAS 2015.-**

A primeira tenente de alcalde informa á Xunta de Goberno Local da lista por orde decrecente da puntuación e proposta de adxudicación que formula a mesa de contratación no procedemento aberto para a adxudicación das obras de **"ACCESIBILIDADE UNIVERSAL EN EDIFICIOS PÚBLICOS, 1ª FASE"**.

A mesa de contratación, na súa reunión do día 29 de decembro de 2016, acordou propoñer a exclusión do procedemento das empresas SYR-AMG, S.L.U. e GR CONSTUCCIONES OBRAS E SERVICIOS, S.L.U., por non acreditarse na documentación presentada no prazo conferido ao efecto, a correcta xustificación da oferta económica realizada e incorrendo polo tanto en baixa temeraria, segundo se desprende do informe emitido pola arquitecta técnica municipal. Tendo en conta isto, a mesa de contratación elaborou unha lista de licitadores ordenada de xeito decrecente segundo a puntuación obtida por cada un deles e propón a adxudicación das obras á empresa Excavaciones y Obras Melchor SL, por ser a que obtivo a maior puntuación, segundo os criterios establecidos no prego de cláusulas administrativas, resultando a puntuación total obtida por cada un dos licitadores a seguinte:

<b>LICITADOR</b>	<b>OFERTA ECONÓMICA CON IVE</b>	<b>PUNTUACIÓN</b>
EXCAVACIONES Y OBRAS MELCHOR SL	108.945,00	35,67
OBRAS Y VIALES DE GALICIA SL (OVIGA SL)	112.420,00	33,25
CONSTRUCCIONES NAVILA SL	115.918,00	30,80
ARINES OBRAS Y PROYECTOS SL	117.915,00	29,41
INTEGRAL ARCHITECTURE SYSTEMS SL (GRUPO IAS)	116.982,80	29,06
CYS HISPANIA SL	118.453,76	29,03
SERGONSA SERVICIOS SL	120.242,54	27,78
EULOGIO VIÑAL OBRAS Y CONSTRUCCIONES SA	120.449,99	27,63
2000 JOSCIÓN CONSTRUCCIONES SL	120.830,60	27,37

CETA CONTRATAS SL	127.135,70	21,99
COVIASSTEC SL	127.135,70	21,97
CONSTRUCCIONES OREGA SL	136.305,00	13,57
ALVAC SA	137.775,00	12,22
TERRAUGA PROYECTOS Y OBRAS SL	139.245,00	10,87
NEMESIO ORDÓÑEZ SA	140.985,00	9,28
NORTEMAR SL	142.492,13	7,89

Visto o que antecede a Xunta de Goberno Local, por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

**Primeiro.-** A exclusión do procedemento de licitación das empresas SYR-AMG, S.L.U. e GR Construcciones, Obras y Servicios, S.L.U. por desestimarse a xustificación da baixa desproporcionada na que incorreron coa súa proposta económica.

**Segundo.-** Clasificar por orden decrecente de puntuación as empresas participantes no procedemento do seguinte xeito:

LICITADOR	OFERTA ECONÓMICA CON IVE	PUNTUACIÓN
EXCAVACIONES Y OBRAS MELCHOR SL	108.945,00	35,67
OBRAS Y VIALES DE GALICIA SL (OVIGA SL)	112.420,00	33,25
CONSTRUCCIONES NAVILA SL	115.918,00	30,80
ARINES OBRAS Y PROYECTOS SL	117.915,00	29,41
INTEGRAL ARCHITECTURE SYSTEMS SL (GRUPO IAS)	116.982,80	29,06
CYS HISPANIA SL	118.453,76	29,03
SERGONSA SERVICIOS SL	120.242,54	27,78
EULOGIO VIÑAL OBRAS Y CONSTRUCCIONES SA	120.449,99	27,63
2000 JOSCON CONSTRUCCIONES SL	120.830,60	27,37
CETA CONTRATAS SL	127.135,70	21,99
COVIASSTEC SL	127.135,70	21,97
CONSTRUCCIONES OREGA SL	136.305,00	13,57
ALVAC SA	137.775,00	12,22
TERRAUGA PROYECTOS Y OBRAS SL	139.245,00	10,87
NEMESIO ORDÓÑEZ SA	140.985,00	9,28
NORTEMAR SL	142.492,13	7,89

**Terceiro.-** Declarar que as características esenciais da referida contratación para o licitador clasificado en primeiro lugar Excavaciones y Obras Melchor S.L., con CIF B-70336482, son as seguintes:

**A.- Prezo:** O importe da oferta do dito licitador ascende á contía de noventa mil trinta e sete euros e dezanove céntimos **(90.037,19.- Euros)** sen IVE.

**B.- IVE repercutible:** A contía do IVE repercutible ao tipo do 21% ascende a contía de dezoito mil novecentos sete euros e oitenta e un céntimos **(18.907,81.- Euros)**.

**C.- Prazo de execución:** O prazo de execución do contrato será de **4 meses**, contados a partir do día seguinte ao da sinatura da acta de comprobación de replanteo, salvo que exista reserva fundada que impida o seu comezo.

**D.- Resto de condicións:** O adxudicatario deberá cumprir coas condicións fixadas nos pregos de cláusulas administrativas particulares polo que se rexeu o procedemento, así como coa proposición formulada.

**Cuarto.-** Notificar o presente acordo aos licitadores.

**Quinto.-** No prazo de dez días hábiles, contados a partir do día seguinte ao da notificación do presente acordo, o licitador clasificado en primeiro lugar deberá presentar a seguinte documentación imprescindible para, de ser o caso, proceder á correspondente adxudicación:

Certificación acreditativa de estar ao corrente no cumprimento das obrigas tributarias e coa seguridade social.

Documento acreditativo de ter constituída (en calquera das formas establecidas nos artigos 96 e 98 do TRLCSP, nas condicións previstas no artigo 97 do mesmo texto legal) unha **garantía definitiva por un importe de 4.501,86 €** segundo se especifica nos pregos que rexeron para a licitación correspondentes ao 5% do prezo de adxudicación excluído o imposto sobre o valor engadido.

Documento xustificativo, de ser caso, de reembolso ao concello do importe dos anuncios de licitación. O adxudicatario deberá aboar ao concello **232,32.- euros** (El Correo Gallego) en concepto de reembolso dos gastos de publicacións dos anuncios de licitación de acordo co estipulado no artigo 75 do Real Decreto 1098/2001 de 12 de outubro polo que se aproba o Regulamento Xeral da Lei de Contratos do Sector Público.

Deberá tamén presentar a seguinte documentación:

**A) Documento acreditativo da personalidade xurídica do empresario**

**A-1) Empresario individual:** fotocopia do NIF, pasaporte ou documento que o substitúa.

**A-2) Persoas xurídicas:**

- Escritura de constitución ou modificación no seu caso, inscrita no Rexistro Mercantil, cando este requisito fose esixible conforme á lexislación mercantil que lle sexa aplicable.

Se non o for: escritura ou documento de constitución, de modificación, estatutos ou acto fundacional, no que conste as normas polas que se regula a súa actividade, inscritos, no seu caso no correspondente rexistro oficial.

- Fotocopia da tarxeta de código de identificación fiscal (CIF), debidamente compulsada.

**A-3) Empresas non españolas de Estados membros da Unión Europea**

A capacidade de obrar das empresas non españolas de estados membros da Unión Europea acreditarase mediante a inscrición no rexistro procedente de acordo coa lexislación do Estado onde están establecidos ou mediante a presentación dunha declaración xurada ou un certificado, nos termos que se establezan regulamentariamente, de acordo coas disposicións comunitarias de aplicación.

**A.4) Empresas non españolas de estados signatarios do Acordo sobre o Espazo Económico Europeo (Islandia, Liechtenstein e Noruega)**

A capacidade de obrar destas empresas acreditarase mediante a inscrición no rexistro procedente de acordo coa lexislación do Estado onde están establecidos ou mediante a presentación dunha declaración xurada ou dun certificado, nos termos que se establezan regulamentariamente, de acordo coas disposicións comunitarias de aplicación (disposición adicional 14 TRLCSP).

**A-5) Demais empresas estranxeiras**

1. -Os demais empresarios estranxeiros deberán acreditar a súa capacidade de obrar cun informe da Misión Diplomática Permanente de España no Estado correspondente ou da oficina consular en cuxo ámbito territorial radique o domicilio da empresa.

2. -Informe de reciprocidade: as persoas físicas ou xurídicas de estados non pertencentes á Unión Europea deberán xustificar mediante un informe expedido pola Misión Diplomática Permanente Española, na que se faga constar que o Estado de procedencia da empresa admite á súa vez a participación de empresas españolas na contratación coa Administración en forma substancialmente análoga.

**A-6) Disposición común a empresas estranxeiras (comunitarias ou non comunitarias): declaración de sometemento á xurisdición de tribunais e xulgados españois.**

As empresas estranxeiras deberán presentar unha declaración de sometemento á xurisdición dos tribunais e xulgados españois de calquera orde, para todas as incidencias que de modo directo ou indirecto puidesen xurdir do contrato, con renuncia no seu caso, ao foro xurisdiccional estranxeiro que puidese corresponder ao licitante (art. 146.1.e da TRLCSP)

**A-7) Empresas estranxeiras non comunitarias: sucursal en España**

De acordo co art. 55.2 da TRLCSP, non se esixe dado que non se trata dun contrato de obras.

**B) Poderes**

Cando o licitador non actúe en nome propio ou se trate de sociedade ou persoa xurídica, deberá acompañarse dun poder notarial para representar á persoa ou á entidade en cuxo nome concorre ante a administración contratante.

O poder deberá figurar inscrito previamente no Rexistro Mercantil nos casos en que a dita inscrición sexa esixida polo Regulamento do Rexistro Mercantil

**B-1) Verificación de poderes**

Os poderes a que se refire o apartado b) da presente cláusula deberán bastantearse previamente polo secretario da corporación ou por un funcionario habilitado.

**C) Prohibicións para contratar ou incompatibilidades**

Declaración responsable de que a empresa interesada non se acha incurso en ningunha das prohibicións para contratar ou incompatibilidades establecidas no artigo 146 e 60 da TRLCSP, axustado ao modelo que se transcribe a continuación.

A declaración incluírá a manifestación de estar ao día no cumprimento das obrigas tributarias e coa Seguridade Social impostas polas disposicións vixentes e o feito de non ter débedas en período executivo co Concello de Ames, sen prexuízo de que a xustificación acreditativa de tal requisito debe de presentarse antes da adxudicación polo empresario a cuxo favor se vaia efectuar esta, axúntase modelo

"D/Dª..... con DNI..... e domicilio en..... actuando en nome e representación da empresa..... con domicilio en..... e CIF..... á que representa no procedemento de adxudicación do contrato denominado "....." (ou actuando en nome propio).

**DECLARA**

*Que nin a empresa nin os seus administradores ou órganos de dirección están incursos en prohibicións de contratar coa Administración establecidas no art. 60 e 146.1.c) da TRLCSP.*

*Así mesmo declara que se acha ao corrente do cumprimento das obrigas tributarias e coa Seguridade Social e de non ter débedas en período executivo co Concello de Ames.*

*(Lugar, data e sinatura do proponente)"*

**D) Acreditación da clasificación**

Ver pregos de cláusulas administrativas particulares.

**E) Acreditación de solvencia económica e financeira e solvencia técnica**

Os licitadores deberán

**E.1.** - Acreditar a solvencia económica e financeira por calquera dos medios a que se refire a cláusula sétima do prego de cláusulas administrativas particulares.

**E.2.** - Acreditar a solvencia técnica mediante calquera dos medios a que se refire a cláusula sétima do prego de cláusulas administrativas particulares.

**F) Datos identificativos do licitador**

Enderezo, nº teléfono, nº fax e correo electrónico do empresario e do seu representante, se é o caso, para as comunicacións con este Concello.

O empresario, ao presentar a súa oferta, dá o seu consentimento a estas formas de comunicación citadas no parágrafo anterior.

**G) Unións temporais de empresas**

Indicación dos nomes e circunstancias das empresas que a constitúen, participación de cada unha delas e compromiso de constituírse formalmente en UTE caso de resultar adxudicatarias, de conformidade co artigo 59 da TRLCSP e cláusula 7 do presente prego.

**H) Declaración de empresas vinculadas**

No suposto de que a empresa concorra á licitación con empresas pertencentes a un mesmo grupo, nos termos a que se refire o art. 145 da TRLCSP, presentárase necesariamente unha declaración indicando esta circunstancia e o nome ou denominación social destas, debendo constar este documento en cada unha das ofertas formuladas por todas as empresas vinculadas que concorran á licitación.

De non presentarse a citada documentación no prazo conferido non se poderá proceder a adxudicación do contrato ao licitador clasificado en primeiro lugar.

**Sexto.-** Facultar ao señor alcalde, para cantas actuacións sexan precisas para a mellor execución do acordado.

**PUNTO TERCEIRO.- DECLARACIÓN DE DESERTO DA LICITACIÓN DO LOTE NÚMERO 1 DO PROCEDIMENTO NEGOCIADO SEN PUBLICIDADE POR LOTES DO SERVIZO DE ESCOLAS CULTURAIS DO CONCELLO DE AMES.-**

A Xunta de Goberno Local, en sesión ordinaria celebrada o día 22 de decembro de 2016 realizou a **clasificación de ofertas e requirimento de presentación de documentación para adxudicación** do procedemento negociado sen publicidade por lotes do servizo de escolas culturais do Concello de Ames. No mesmo acordo declarábase deserta a licitación do Lote nº. 3, denominado Escola de Teatro e excluíase á única licitadora que se presentou ao Lote nº. 2.

O devandito acordo de clasificación de ofertas e requirimento de documentación foi notificado ao licitador clasificado en primeiro lugar para o Lote nº 1 denominado “Escola de Artes Plásticas”, a [REDACTED]

Transcorrido o prazo de 5 días hábiles, contados a partir do día seguinte ao da notificación do acordo sen que o licitador clasificado en primeiro lugar presentase a documentación que se lle indicou na notificación, enténdese que este retirou a súa oferta, procedéndose neste caso a declarar deserta esta licitación ao non existir máis licitadores que optasen ao Lote nº 1.

En base ao anterior, e ao conxunto de antecedentes que figuran no expediente, a Xunta de Goberno Local, por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

**Primeiro.-** Declarar deserto o procedemento de licitación do *Servizo de Escolas Culturais do Concello de Ames* para o Lote nº 2, denominado “Escola de Baile”, ao excluírse á única licitadora que optou a ese lote.

**Segundo.-** Declarar deserto o procedemento de licitación do *Servizo de Escolas Culturais do Concello de Ames* para o Lote nº 1 denominado “Escola de Artes Plásticas”, unha vez transcorrido o prazo de 5 días hábiles sen que o licitador clasificado en primeiro lugar presentase a documentación requirida.

**Terceiro.-** Á vista do anterior, declarar deserta a totalidade do procedemento de licitación do *Servizo de Escolas Culturais do Concello de Ames*.

**Cuarto.-** Notificar aos interesados no procedemento o contido do presente acordo.

**Quinto.-** Facultar ao señor alcalde para cantas actuacións sexan precisas para a mellor execución do acordado.

#### **PUNTO CUARTO.- REPARTO DAS AXUDAS PARA A PROMOCIÓN DE ACTIVIDADES LEVADAS A CABO POR CLUBS E ASOCIACIÓNS DEPORTIVAS DO CONCELLO DE AMES NO EXERCICIO 2016.-**

A Xunta de Goberno Local do 29 de setembro de 2016 deu aprobación ás bases da Convocatoria de Subvencións para Promoción de actividades levadas a cabo por clubs e asociacións deportivas do Concello de Ames para o ano 2016.

Con data de 19 de outubro de 2016 as bases foron publicadas no BOP número 198, establecéndose un prazo de presentación de solicitudes de 20 días naturais a contar dende o día da publicación do anuncio no BOP. O prazo para presentar as solicitudes rematou o 21 de novembro de 2016.

Con data de 7 de decembro de 2016 pola a Comisión Avaliadora designada nas Bases reguladoras da convocatoria, formula proposta de concesión de subvención de acordo coa convocatoria.

A Xunta de Goberno Local en sesión de 5 de xaneiro de 2017 prestou aprobación ao reparto destas axudas a diversas entidades, quedando pendente de acreditar por parte de seis das entidades, que se atopaban ao corrente das obrigas tributarias e coa seguridade social.

Pola Intervención municipal emítese informe de fiscalización número 7/2017, de data 11 de xaneiro de 2017, de concesión de subvencións para a promoción de actividades deportivas levadas a cabo por clubs e asociacións deportivas 2016 (2ª remesa), para catro destas entidades.

Por todo o exposto a Xunta de Goberno Local por unanimidade dos seus membros

presentes, previa delegación da Alcaldía (decreto 480/2016), adopta os seguintes acordos:

**Primeiro.-** Conceder conforme as bases da Convocatoria de Subvencións para Promoción de actividades levadas a cabo por clubs e asociacións deportivas do Concello de Ames para o ano 2016, as seguintes axudas:

CLUB / ENTIDADE DEPORTIVA	IMPORTE A CONCEDER	IMPORTE A XUSTIFICAR	PUNTUACIÓN ACADADA	Número beneficiar. (30)		Participación en competicións (29)	Nº de equipos/ categorías (12)		Solicitud de subvencións (10)	Organización e colaboración en eventos deportivos (10)	Promoción deporte feminino (10)		Galego (3)
				Nº LIC	PUNTOS		Nº EQUIPOS	PUNTOS			% MULLER	PUNTOS	
CLUB DE PATINAXE SARELA	4.120,27 €	4.120,27 €	55,5	84	25	10,5	5	5	5	0	95,00%	10	0
CLUB PATINAXE ARTÍSTICA OMEGA	4.788,42 €	4.788,42 €	64,5	81	25	10,5	4	4	10	5	93,80%	10	0
A.D. BASQUET AMES	3.415,00 €	3.415,00 €	46	117	30	5	8	8	0	1	11,90%	2	0
CLUB DEPORTIVO MILLARENGO CULTURA	4.231,63 €	4.231,63 €	57	108	30	7	6	6	10	0	20,37%	4	0

**Segundo.-** Dispor o gasto das subvencións concedidas con cargo á seguinte aplicación orzamentaria 341.48910 do orzamento municipal en vigor.

**Terceiro.-** Notificar o presente acordo aos interesados indicándolles que o prazo de xustificación das achegas remata o 31 de xaneiro de 2017, tal e como se recolle na base 7.1 da convocatoria. Os gastos a xustificar polos beneficiarios deberán responder ao exercicio 2016 en todo caso.

**Cuarto.-** Dar traslado do presente acordo aos interesados.

**Quinto.-** Facultar ao señor alcalde, para cantas actuacións de trámite sexan precisas para a mellor execución do acordado.

E non habendo máis asuntos que tratar levántase a sesión ás nove horas e trinta minutos, estendéndose a presente acta que asina a señora presidenta, do que certifico.